

新刻羣音類選

新刻羣音類選卷十八

虎林 胡氏 文會堂 校選

完扇記

有虞氏王孫泰安子編

携美遊春

〔宜春令〕風輕拂、雲淡浮、喜春朝、宜人玩遊、看千紅萬
紫、無邊光景、供詩酒、不羨他子美、情開空笑你、淑貞
眉皺。〔合〕且偷閑、趁此芳年、傍花隨柳、前腔、經村店、過
市樓、酒旗兒、如招我、畱看杖頭囊底、不知存得青蚨
否、莫忍做見笑桃花、肯甘教不眠洞口。〔合前〕

惜奴嬌春滿皇州、聊携春釀、相與共春遊、怎肯把有

限春光馳驟風流拂拭春衣逐惹春風慢消春晝綢
繆願趁此好春天誓作萬春佳偶黑麻序凝眸春色
無休聽春鶯簧舌似為春奏把春心蕩漾一春時候
知否春來難永久春去不堪留把春收須教肺腑皆
春更使春榮宇宙錦衣香春興悠詩千首春量優酒
千斗折取春花笑催春酒春宵一刻價難求莫將春
誤徒為春愁恐霖霖春雨却催殘春景非舊須早隨
春樂芳春難又還期來日春雷成就漿水令咲傷春
春容消瘦喜賞春春意優游人生春夢枉多謀豈若
年年春有回頭相酬勸為春壽願教人與春長守陽

春曲陽春曲、誰能賡奏、宜春令、宜春令、總堪謳尾聲、
尋春幸有章臺柳、况都是青春鳳友、不醉為春笑、且羞
章臺逞藝

晉天樂喜天時、隨人意、且呼盧、聊為懽成、和敗成、和
敗自古如斯、又何怜一擲傾貲、呀、嘆光陰有幾、何須
苦執迷、惟我素能脫洒、洒脫贏得便宜、北朝天子半
空中見鳥飛、把金丸試落之、看章臺挾彈、真豪氣、青
春年少、有誰能相比、發無空、真神藝、喝采聲不離、看
彈聲又隨、整整齊齊、整整齊齊、儼一似、孟嘗門第孟
嘗門第、管甚麼、非和是、管甚麼、非和是、晉天樂天下

圓齊雲社賣風流衣盡飾、賺和拐、賺和拐、隨到隨施。
二郎神見了投師呀、嘆光陰有幾、何須苦執迷、惟我
素能脫洒洒、脫贏得便宜、北朝天子舞青鋒似電飛、
劍俠客更稱誰便、公孫大娘無踰此、仰天長嘯、這壯
懷恁知、十年磨、嘗相試、在床頭鬼泣、在腰間人嚇、囉
囉哩囉哩囉哩、擊劍歌斗牛無色、斗牛無色、柰英
雄時未得、柰英雄時未得、晉天樂趁剛風、乘霄際、擊
還揚、偏多勢、飛禽輩、飛禽輩、誰敢冲圍、好教人邊塞
興思呀、嘆光陰有幾、何須苦執迷、惟我素能脫洒洒、
脫贏得便宜、北朝天子馬聲兒亂嘶、馬步兒疾馳、似

流星突過人皆避、落花狼籍那顧他、錦泥盡人能須
騷、咲烏江失時、咲鹽車去遲、慢慢嬉慢慢嬉、不覺的
傷觀如蟻、共爭誇、跑得美、共爭誇、跑得美、
普天樂入瓊樓、和花睡、舉金尊、邀月醉、西山
餓、西山餓、笑殺夷齊、到頭來、丘土同歸、呀、嘆光陰有
幾、何須苦執迷、惟我素能脫洒、洒脫贏得便空、

賞花遇難

石榴花、百花爭放、花下共飛觴、衣拂處、染花香、花魁
同與賞、花王總名花相對、何妨、看穿花蝶忙、舞翩翩
時宿花枝上、開笑口、醉裏簪花、貼花靨、宮樣新粧、前

腰花前情暢自是探花郎花解語價難量催花羯鼓
及春陽囑花神須要主張但花開久長錦裝成花圃
時相賞莫教花睡去更深休遣兩妒著花芳汪顏回
花外奏笙簧比花貌不似花強花姬看惱揉花碎欲
打檀郎請和花共床難道是輸與花模樣花有時流
水滔滔人終非花落茫茫前腔花酒兩相當看花光
紅勝上陽花心難禁花交樹不斷生香羨花朝最良
為惜花早起多情況想一春長費花錢更花街占斷
風光尾聲花影盈庭明月上花債何妨到處償我欲
眠花夜未央

不是路步急心慌快向花陰且躲藏好隄防誰知一
禍起蕭牆休相傍各尋頭路方停當樂極悲生事怎
量忙拆散吉凶未卜心惆悵願天遮障願天遮障前
腔打入門牆先把燈兒滅了光同搬搶金銀首飾在
何方盡空堂機關先漏是誰行插翅難逃在內房花
陰處也須搜檢恐潛藏莫教輕放莫教輕放

逃難賴神

角兒平白地身逢虎狼一霎時禍遭羅網猛回頭
詎覺魂飛忙舉足不知何往怎做得掣鎖龍脫鉤魚
劈籠鳳免此灾殃看看追上汲汲怎藏看他勢千休

未肯此際堪傷前腔色不善鳥能遠翔機欠密魚成漏
網縱饒你折葦能逃難免我鐵鞋趕上好笑你猶鬼
狡似犬奔如鼠竄躲向何芳你吟詩圖爽撮俏賣長
從今後把風流收拾再敢誇張尾聲窮途狹路今何
向纔脫龍潭入虎鄉管教你掬盡湘江羞怎當

憶多嬌每斂跡非故識從來並無仇與隙不審何由
苦相厄合洒泪驚惕泪洒驚惕自反求之未得前腔
勢雖嚇財頗澀聞伊高會珠玉集趁此機關施搶劫
合前關黑麻不遇君家這災怎測宿昔無交何緣怜
惜真有幸挽殘魄感戴無涯何年報德合相逢瞬息

指人凶與吉、應是神天、應是神天、遣來救釋、前腔、此
後花街、莫重遊、佚好自開懷、不須抑鬱、報無道、豈豪
傑、忍性動心、方能曾益、合前

長途分扇

北新水令長途足馬值春殘、長途足馬值春殘、洛陽
花已成紅、霞不能勾畫、錦身還、只落得吳霜髻、點無
任羞慙、無任羞慙、父老們何顏重見、南步步嬌、韓
車響忙追趕、何事郎行遠、暮雲路為迷、春樹愁相挽、
勢拘空望韓侯返、遙見指鞭梢、叫一聲、驀地回頭看、
北折桂令為何的直到西關、珍重娘行、楊柳頻扳、聞

說你從了新官也須知笑啼不敢把琵琶好向他船
却不是雲雨巫山往事休談誰曉平地風波勢滔滔
淹了桃源南江兒水恨殺沙吒利押衙誰見怜鸞鳳
忍與鴟梟伴一心誓死終無變怕你匆匆分散日遠
心離匪石如何不轉北雁兒落俺豈是負桂英薄倖
般也只因遇飛廉難躲閃俺待要擊點鼠又怕器難
全因此上飛足馬甘分鴛侶散俺有心學淵明歸故
苑奈一時訪安道興悠然俺不能步青雲做箇扳桂
客到其間見明月豈不憶嬋娟天恁知情也見怜俺
既脫龍也麼潭怎又向虎穴追歡南僥僥令駿馬終

須出櫪間當此際慢加鞭須信包羞男子漢笑他虎
狼威空勢焰虎狼威空勢焰北收江南呀若不得老
叟相援呵險些兒孝名殘臨深履薄始兢兢思量展
轉覺心寒早識透這盤局面又怎肯上盤到今日悔
應難南園林好人有願從之在天天有情完之不難
今在長途分扇知趙壁幾時完不完時命誓捐北沽
美酒感卿卿情意堅轉教俺濕青衫鴈到衡陽把信
傳怕柳陽鴈渺漫怕章臺柳易板向風前不勝長嘆
念腰間空懸寶劍我呵拆散了文鴛美鶼到做了孤
鶯斷絃呀打疊起淒涼今晚南尾聲此行未審何時

見除非是夢魂不怕險和你時時共笑談

移春翫月

香柳娘月團圓此宵月團圓此宵月明皎皎和伊月
下開懷抱看窓前月高看窓前月高月影上花梢金
尊月常照合共相將月邀共相將月邀月裡嫦娥愛
人年少前腔見月色暗焦見月色暗焦月中孤棹月
圓人缺誰知道因愛月可交因愛月可交月味最清
標死終期月好合前前腔月漸離海嶠月漸離海嶠
樓臺如曉青天有月來何早想月宮路遙想月宮路
遙賞月共吹簫月斜人醉倒合前前腔慢對月意驕

慢對月意驕陰晴難料，可恨風月成虛耗。笑捉月狂
勞，笑捉月狂勞。月落見波濤，猿聲和月叫。合前。

虎丘遣興

金井水紅花，再造名山道。重登古寺坡，啼鳥集松蘿。
景堪摩，珠璣誰唾。但聽烟波渺處人，唱竹枝歌。怎不
教傷今古也呵。人情堪嘆，世道可嫌，下榻陳蕃誰做。
非緣變難，誰肯涉磨。非遭機械，誰能參破。非名非利，
甘把春光過。前腔。慢把朱絃整，還將古調和。相對却
如何。把楚歌先彈一箇，那更高山流水。輸與伯牙多。
再彈箇弔子期也呵。琴聲初歇，詩興又生，却與誰人

廣和追思吳國興亡枉磨追思越主霸王空播咲他
吳越空自成仇禍

幽閣相思

二郎神心耿耿為那人把芳容瘦損嘆羊觸藩籬誰
見憫你看盈盈一水須知誤了光陰敲斷玉釵紅燭
冷計程途恐如萍梗合此際最傷情要相逢知是何
春前腔須聽加餐努力忍教多病看否泰循環從古
定為一時無柰愁人試勸愁人豈料愁人愁轉增脫
得去謝天垂憫合前集賢賓東風銅雀真可恨那些
個阿嬌金屋妝成這意馬心猿難鎖定母子向他行

相近只怕江空水冷，咲殺你空邀月影。
合嗟薄命看血泪界成紅暈。
前腔芝蘭不復香味，次到在鮑魚肆裏安身。未卜何時離陷穽，也空把金錢來問強橫。
越分豈是箇好人行徑。
合前黃鶯兒一雨過河庭，這淒涼更不勝東流往事空思省。
明珠暗沉完璧，怎能可憐未及虞姬刎。
合且安心終風雖暴，會見有時停。
前腔夜色已沉沉，笛聲來和泪聞。
安排腸斷，拚霜髻母子運連，你從良枉盟不難一死消餘忿。
合前猶兒墜玉郎消息，何日到金陵。
千里關山勞夢魂，新啼痕間舊啼痕。
合光景好一似身拘縲紲，望赦殷勤。
前腔孤

燈挑盡、形影兩離分。為想家中空閉門，應知奩笥已成塵。
合前尾聲：這場冤業，何時盡。望蒼天，早為援拯，怎禁得度日如年與死隣。

感懷得信

紅衲襖門掩着冷瀟瀟。風一些，眼望着遠迢迢。信又賒，你看那上堦盡是苔痕碧。你聽那隔院何當咲語，溢本待要箕箒郵亭終掃雪，到做了琵琶江上空彈月。只落得相問無人也，始信世道惟趨富與奢。前腔：雖然是眼跟前似覆車，却贏得踪跡間遠狎邪。終不然，綈袍情義全疎失也。索念雞黍盟言難變易，須信

蓮月自團圓。雲暫遮。誰說道絃成斷絕。膠難覓。試看我苦盡甘來也。莫漫臨風動怨嗟。

三生傳玉簪記

此係馬湘蘭編王魁故事與潘必正玉簪不同

玉簪贈別

香柳娘把斟來竹葉。把斟來竹葉。一盃餞別。相將斷却同心結。看行囊已設。看行囊已設。塵泥逐征車。日暮投荒舍。
念這別離行色。這別離行色。古道魂賒深。閨夢疊。
箭腔念當時題葉。念當時題葉。百年為節。可憐中道。恩情歇。把誓盟重設。把誓盟重設。莫戀富豪宅。忘却茅簷舍。
念前憶多嬌聲已咽。腸自結。怎將青

眼送人別、難禁這盈盈淚成血。(合)死相同穴、死相同
穴、却把玉簪贈別。(前腔)言正切、淚欲竭、聞關千里馬
蹄捷、難聽那聲聲鵲啼血。(合)(前)黑麻序、今後把脂粉
全拋、水清玉潔、忍違誓干盟、又操持巾櫛、收拾鴛幃
繞翠衾、疊一點丹心、直教明月。(合)情真意切、白首從
今訣、翼作奇逢、翼作奇逢、與人共說。(前腔)只為功名、
輕離易別、肯負義忘恩、把赤繩再結、只恐鵬程杳魚
書絕、萬里關山、淹留歲月。(合)(前)

學習歌舞

北新水令、麗姝橫玉奏新聲、遍江城、落梅盈迥一聲

倚樓韻三弄據床音裂石穿雲謾道是若山境南步
步嬌換羽移宮再把簫韶整六律齊相應烟霞最上
層時引靈禽共上秦臺聽仙洞忽陽春這琅玕妙節
無餘品北折桂令紫檀槽缺撥雷鳴控起鵲絃曲奏
崑崙盛粧成六么纔定嘈切分明似銀瓶乍破了水
漿共遶儼缺騎忽突出刀劍齊鳴鶯語婷婷泉韻鄰
鄰又彈出明妃曲馬上淒清南江兒水纔罷笙篴理
且將琴瑟經奏篴簇時遇盧生聘似莊周蝴蝶迷魂
夢引文君鸞鳳成歡慶可是調高聲俊流水高山抹
馬遊魚雅韻北鴈兒落動歌喉綻榴房識重輕動歌

喉破櫻顆知遲迅動歌喉重聞得子夜聲動歌喉不
怕他周郎聽動歌喉謾道是和白雪動歌喉然強似
拂輕塵好一似儷娟入清虛境還勝那莫愁在石頭
城清新一曲遶梁聲難並聽着這佳也麼音頓教人
肌骨清南僥僥令歌扇團圓尋月影宛轉遏雲英清
商慢入僥僥令若是在華筵四座驚北收江南呀須
索再把霓裳整儼是箇洞府許飛瓊似文鸞對鏡展
雙翎紫燕穿簾羽不停看絕倫轉身轉身在掌上翩
跹尤勝楚腰輕南園林好柳帶飄動佩環重輕蓮花
旋露絳裙淺深頭上應纏紅錦迷客目動人情北沾

美酒性玲瓏，貌娉婷，聲清雅，體輕盈，便是那神女仙。
姬難厮並，追萼綠，企雲英，肩弄玉，勝文君，駕樊素，小
鸞丰韵，乘衆藝，四難相稱，你呵，到如今，吹成彈，成歌
成舞，成呀，看門前車闌馬競，清江引，尋芳車馬應盈，
還盡是豪家俊堂前，嚷嚷喧門外，紛紛盛端，只為這
佳人相牽引。

舉鼎記 一名昭關記

臨潼關寶

錦堂月豪傑爭馳，王封拽据，神仙會宴瑤池，慶列春
風，黃衣更挽金魚看，紛紛寶貝，玻瓈光彩，崢嶸聲麗。

合黃封啓、拚取紅酣、鯨吸醉倒如泥。前腔蒙賜宴罷、
瑤池黃封美酒、金勒駿馬雄嘶。不惜金盃長安道上、
如飛從此後、遍播芳名。勒鍾鼎功名何取。合前僥僥
令秦娥歌皓齒、楚女舞腰肢。滿耳笙簫歌金縷、不覺
光陰照夕低。尾聲敲象板、吹龍笛、簫鼓襲襲送落暉。
狼籍盃盤醉似泥。

畫眉序秦楚結為婚、從此山河穩。真眠免黎民塗炭、
樂業農桑。自今日割袂為姻、千萬載干戈不戰。滿斟
同汎歡娛酒、看花醉享安然。滴溜子臨潼會、臨潼會
文詞枉然。臨潼會、臨潼會、武藝赫然。徒負看青燈黃

卷徒背着三尺寶劍怎如是一臣明甫伍員尾聲共
為柱石同調鼎楚秦從此幸無邊恩澤于今有萬千

一夜白頭

(正宮端正好)追思昔日冤家曾結做害得我人亡家
破耽悞得風花雪月成虛度怒來時把寶劍重磨西
風敗葉飄西風敗葉飄閃得天涯海角成間阻這的
是悶殺人也麼哥這的是悶殺人也麼哥(前腔)誰樓
上一鼓敲誰樓上一鼓敲但聞得啾啾四壁寒蛩淒
楚只落得對孤燈十載心事空思數想明日在昭關
上恨不得插雙翅把那昭關飛過枉讀詩書藏滿腹

早難道筆陣掃千戈前腔二鼓相催也二鼓相催也
那裡有破昭關妙策奇才壓文武縱有齊兵魏將誰
憐我今日箇獨坐書齋愁滿腹孤忠機未成又聽得
譙樓三更鼓前腔俺這裡大天仇山海恨甚日消磨
怎能勾子逢親弟見兄夫逢婦兀的是埋盡英雄誰
相顧若不是遇恩人險些兒做了逢虎穴狐兔前腔
四更頻敲也四更頻敲也頃刻間譙樓上鑼鑼五鼓
雞聲勿報晨光露未報冤仇計策多兀的不是想殺
人也麼哥兀的不是想殺人也麼哥

私過昭關

解三醒蓋將軍今日來到擺列着棋子征交車砲砲
馬休喧鬧又見卒渡河橋兵分兩溜休誇勝又算雙
龍入海潮合慢使機關巧一任斜陽飛入枯蒿前腔
再鋪排且喜樵調莫教差了纖毫不愁海底英雄砲
只將小卒輕敲自古高棋莫與低棋着引得低棋漸
漸高合前

鴈過沙甚人敢無禮擅便過關去若無文引怎放伊
好生與我說名字多應是奸細如何脫得這般情罪
前腔小將敢輕視咱是來往客商の今朝要過昭關
去休得把咱來畱住不須致疑放吾前去前腔漢子

多威勢莫非子胥好似畫像真無二一一與我來
拏住如何脫得這般情罪前腔小將敢無禮咱就是
亡楚伍子胥一心要過昭關去不須把咱來畱住不
須致疑放吾前去

浣紗女投江

一江風搗寒衣竚立江邊地那堪對景淒涼味自勤
劬不覺冷氣侵入我纖纖指風吹兩髻絲風吹兩髻
絲斜簪金鳳低肌膚懶倦妖嬈女

鎖南枝謹資啓賢姐聽居楚邦名伍員為兄父報仇
冤往東吳借兵輦腹又饑身又寒望慈悲救殘喘前

腔休推阻莫見嫌壺漿小體君可食蒙賜意拳拳恩
德敢忘念生可逃死可免倘若遇追兵怎逃竄

（玉交枝）將軍聽啓念妾在東吳舊廬問吾名是浣紗
女二親去歲身亡矣家中事奴自供朝夕論成家怎
憚辛和苦到此江干浣紗滌蘆（前腔）驀地相逢問佳
人東吳路通愴忙兩下相就悞特來問你名字他年
知恩當報恩切莫說與追兵路料烈女必然為吾此
卽是兒孫積福（前腔）君休憂慮往東吳不須致疑縱
然後有追兵至為將軍怎言經過他若這般疑慮奴
不如早向黃泉路望此江身歸地府

夫妻重會

〔新水令〕追思那日效于飛，侍英雄空備枕席，歷盡了
山盟誓，愿做百年期。豈料顛危，豈料顛危，拆散夫妻。
〔中呂過門〕中路裏，步步嬌，一自樊城遭兵襲，受盡了酸辛味。伊
東我在西，兩下悠悠，各自分南北，離恨隔天涯茫茫。
此際誰相濟，〔得勝令〕不知你扶燕邦，投趙主，又不知
侍秦君之韓魏，又不知你投曹地，又不知你功未成。
名未遂，又不知你歸來，又不知你喪黃泉，損玉軀，思
之滴盡了英雄淚。料蒼天須鑒知，猛聽何人驚覺，越
越地裡自躊躇，莫不是鬼魅妖邪，真奇異，莫不是曾

敲月下棋。(江兒水)萬種傷心事。如同理亂絲。幾年夫
婦如流水。不見公姑似風中絮。你弟兄做了含冤鬼。
怎得冤仇雪。洗辜負黃泉。蹴首陰魂待你。(收江南)呀。
半睡中聽他道語。句句聲聲似怨啼。聽他訴就裡。好一
似吾家體。他莫不是我妻。怎歷盡千山并萬水。(沽美)
酒。忍悲聲。心自知。這離愁訴與誰。可憐我歷盡了千
山并萬水。我為你香減矣。不記得花前恩意。不記得
雙雙罰誓。我呵。料蒼天鑒知。負心的報施呀。伍子胥。
伍子胥。到今日冤冤相對。(尾聲)休得朦朧來打睡。奴
家是你舊時妻。妾死在黃泉愿做鬼。

園林好念妾在楚邦住居曾適嫁亡夫子胥一自在
樊城失去若提起泪雙垂

下山虎當時分散如鳥無依朝夕心如醉愁懷怎支
只得向空門去也豈料今朝得見伊萬種傷心事終
宵哽咽重整鴛幃復舊期前腔自從那日鳳失鸞離
誰想遭危事伊東我西辛苦到吳畿今統兵擬把冤
仇洗也須道人欺天不欺骨肉重相會離情展舒重
整鴛幃復舊期尾聲夫妻幾載相拋棄今朝重諧鳳
侶這段姻緣天付與

義乳記

哭主保孤

泣顏回聽說痛悲傷，頓教人血淚盈眶。音容絕響，這生平恩德難償。嬰兒未長，這孤墳三尺誰營葬？空遺下萬籠千箱。漢人生湫露空忙。

錦庭樂把兒郎來撒樣，性命在刀頭上。霎時間禍起蕭牆，把危機暗地埋藏。須防惡黨好向官同告理，作急追償。

摧拍驚忽地，皇天降殃。一家兒業散人亡，且打疊行裝。且打疊行裝，把襁褓兒郎潛奔他邦。似鳥失危巢，獸匿郊荒，脫得去答謝穹蒼。我心驚戰意徬徨。

義乳哺孤

忒忒令路途間匆匆棄妻也只為保孤全義一時間
失算嬰兒須乳到此地怎支持聽悲啼想你腹中饑
不由人不痛惜前腔只怕那連雞怎飛因此上棄妻
存主如今沒乳終非活計有甚麼濕沾衣你啼饑我
悲泣淚交流漬濕沉醉東風我男兒那得乳汁命該
全老天來週濟是我的義膽忠肝一時裂碎化做了
保嬰滋味員外有知院君有知虛空裡將他護持前
腔想蘇卿在虜庭牧羝尚不能使羝羊生乳我只是
個減獲微軀也有何德處早難道反勝子卿節義宗

桃未移後福可期好教我愁眉頓舒

日南雪冤

香柳娘是瑕丘解人是瑕丘解人為因賊子迨迨教
我來傳遞我驀然想着我驀然想着家破與人離令
人恨切齒你忘恩負心你忘恩負心這王法怎逃依
律處治前腔望恩官可憐望恩官可憐我定睛凝視
行頭着起多標致尚兀自亂言尚兀自亂言也有見
咱時今番怎饒死你罪惡貫盈你罪惡貫盈速發市
曹快人心意

妻家相會

二郎神雙親喪潛匿山陽避虎狼乳哺深恩同鞠養
更推乾就濕歷盡了許多勞攘他守日南我拜河間
相為趨朝向客途尋訪到潯陽聞說道卜居江上特
地登堂集賢賓夜臺寂寞魂渺茫幸孤墳只隔廬江
看馬鬣龍章沾宿莽真個是善慶餘芳婚姻須講早
成就婦隨夫唱年俱長這鳳侶鸞儔不枉黃鶯兒灾
禍起蕭牆急逃生免喪亡中途拆散無依傍你潛踪
在那廂我栖身在這廂相留乳哺情非強謾推詳聲
音笑貌老主舊行藏（猫兒墜）山中乳哺幸得免淪亡
夫婦深恩未易償孤寒幸得用賓王歡暢看相逢青

眼夢熟黃梁尾聲還料一滴澆黃壤不盡思親淚兩
行把花燭佳期早酌量

義僕遇墓

北新水令當年推轂藉鍾離愧寒微濫叨官職一鞭
揮海嶠五馬轉江湄多少驅馳也只為專城寄南步
步矯江干黯黯寒雲翳旋把匡廬蔽須愁去路迷此
去郵亭尚須十里咫尺有民居不如暫把軒車稅北
折桂令看丰茸孤塚纍纍心動神驚墓地傷悲一心
要提抱孤兒竟忘却暴露雙棺未掩藁裡怎比得廢
路松楸怕難免中野狐狸謾自獻歎好教人淚洒成

冰旱難道心裡成灰南江兒水已畢田間事把鋤犁
收拾歸不知喚我因何意孤墳想是無宗裔不時祭
掃來幽隧拜起含顰揮涕分外悲啼想是他嫡親瓜
蒂北鴈兒落帶得勝令休題起那新黃堂的紫綬紆
須索把舊蒼頭的青衣來替不免借耰鋤把草莽除
向松門把荆榛來刈自從我逃難別靈幃只怕你露
黃腸無所歸賴親朋將他瘞早嘗侵草內碑窰窰臥
麒麟指點疑絲知化鴛鴦在泉壤栖南叨叨令犧牲
當宰炙醪醴便提攜別有人家在前村住去辦將來
怎敢違北收江南呀自當年兩人傾棄我夫婦保孤

兒怎當那豺狼當道搶家貲、恁遺孤、累卵危、疾忙裡
中途棄妻、尤幸得湮生雙乳免啼饑、(南園林好)到街
坊準備祭儀、且喜得諸般整齊、香與帋也俱完備、請
換章服、奠陳詞、請換章服、奠陳詞、(北沽美酒)想青衣
行酒時、想青衣、行酒時、到長大有房室、口食身衣都
是你的、受恩深、我自知、報恩心、須鑒知、怎肯做負恩
的、負恩的、已曾伏罪、小主人學成名、遂早已是金章
榮貴、我呵、管教取如綸如絲、封伊贈伊、呀、提起那割
襟盟、早諧婚配、(南尾聲)紙灰飛處飄紅泪、風木蕭蕭
倍慘悽、數日依栖去未遲、

合璧記

學士賞花

〔山花子〕文章華國經綸手，鳳樓天匠重修，問花王春
光肯畱，幸晨昏濡筆螭頭。〔合〕賀朝堂文崇武修，萬方
玉帛王共侯，千年社稷春復秋，月夕花朝，閨苑丹丘。
〔前腔〕今朝聚樂非為偶，昨宵奎壁光流，姓名香須教
覆甌，當年曾占鰲頭。〔合前〕〔前腔〕春來滿目花如綉，官
袍姬殺堪羞，惜花心休教買愁，還須斜插盈頭。〔合前〕
〔前腔〕吳鉤暫解偎紅袖，慚予肉食無謀，醉醺醺渾疑
夢遊，尊前惟有纏頭。〔合前〕〔舞霓裳〕宛轉歌喉，最清幽

最清幽、宛轉弓腰、最嬌柔、最嬌柔、東君莫遣花顏謝。
但願春光長照玉京樓、肆遨遊、漫教迤逗、纔回首、梧
桐一葉便驚秋、（紅綉鞋）銀蟾光映枝頭、枝頭金壺漏
滴樓頭、樓頭花解笑、酒忘憂、燈火燦、篆烟浮、拚一醉、
復何求、（尾聲）陽烏漸漸升高柳、歡賞猶難罷手、明日
西郊續醉遊、

慶賞端陽

（梁州序）紅旗掣電、畫船鳴鼓、繽紛競濟湘波、離憂逐
客、當年此日、懷沙、惟有上官嫉妬、懷楚昏愚、畱作千
年範、今當明盛世、復誰何、奪食潛蛟事已無、（合）蒙招

飲當趨赴、嘆人生莫把良辰負、拚一醉、倩人扶。
前腔
梅霖初霽、榴花新吐、佳節幸逢重午、香蒲切玉、金卮
滿泛、醺醪惟有絲牽玉腕、釵袅朱符、艾虎懸門戶、王
侯佳麗地、醉醺醺、誰問洛陽一事無。
前腔
粧新樣釵符、早已見遊人觀渡、那波翻畫鷁、雨過平
蕪、惟有香羅疊雪、細葛含風、此事遺千古、歸人隨去
棹、任追呼、隱約蟾鈎掛也無。
前腔
畫梁間乳燕呼雛、早已見螢燈入幕、那人歸深院、月印平湖、惟有
白頭爭鼓、老大逢場、羞殺青年妒、五行金谷、數強支
吾、莫問尊中酒有無。
合前
節節高、難難聽鳳雛、最調

和合歡渥洽如腰鼓月婆娑好香多知音坐耳邊
髯南風過絕勝桑間濮上音階前玄鶴蹁躚舞前腔
商山樂若何爛樵柯長安似奕須叅破誰作謔賦有
無還決賭滿盤皂白縱橫路一着輸贏先後問諸君
慎勿當局悞尾聲今朝酩酊傾白墮都是竹林風度
回首星星遍額顙

母子問答

紅袖襖你幾時得同心羅帶結你幾時得鴛鴦衾被
熱你幾時得晨昏相見成歡悅你幾時得步履相隨
不暫撇這惡姻緣算將來須用歇這黑衣郎有甚的

難拋捨、他在邊庭遠塞、怎得歸來也、你因甚的孤負了少年節、前腔我性兒中愛殮、嚙的是那冰與雪、我眼兒前怕覷見的是那花與月、我一片撥不轉的冷面皮、寒是鐵、我一副點不化的硬心肝、火樣烈、父親行何見邪、忖將來無別說、他若是要葬送我的名節也、這些兒青春也拚自決、前腔你那不通方的乖性兒、休執捨、你那不伶俐的劣意兒、須按捺、非是你那做娘的胡口多饒舌、只為你那舊婚姻多、只是不濟也、却不道枉了你一生兒、將鍼線捻負了你兩鬢兒、將鈿翠貼、只恐怕花枝未謝、先鳴鵲、任你個好紅顏。

化成灰去者前腔非是我做女孩兒的性氣撇非是我不聽着娘話說只為着那兩個貞節的字兒難毀折因此上這斷頭香教我怎去藝我爹行見錯也望娘親好勸此他若是要孩兒去做一個薄倖人兒也拚取虞姬劍上血

鐮鋤兒他性兒忒撒惱得我心焦面熱只恐怕待要團圓番成永別任他的心膽硬如鐵還須打疊休勸者我志已決皂白兩難別要青紅亂列前腔你言顛行跌伊行真太劣怎教他鎚碎連環番成斷袂姻親誰不悅他甘心苦節你休弄巧反成拙堅白怎磨涅

肯把名污行滅、

玉華刑耳

〔三仙橋〕我只指望姻緣諧媾、又誰知似參商如昴酉、
未知甚日、夫妻相厮守、待做箇貞烈女、怎效得花落
水東流、我爹行一心兒、只要休、我娘心懷鼠首、爹只
道是從父命、古來原有、再不記柏舟篇、那斯人斯婦、
休休、要我做水上萍、怎避得那千年的厮醜、第二節
我這幾時、龐兒消瘦、非干是傷春症候、也只為姻緣、
症、我爹娘前幾曾把眉兒皺、假意兒閑合口、這兩日
逼得我難措手、待把命兒休、怕有箇歸來時候、只愁

久後成差謬、他那裡為我謀、我怎依得他、別尋姑舅、
女孩兒害着嬌羞、不敢在爹娘前再三分割、休休除
非是損却了胡玉華月貌花容、方才那學士出乖和
那露醜、第三節我待要剔傷兩眸、他從幼來不曾覷
着開花柳、我這粉鼻兒能辨香和臭、我待要卸却手、
怕後日難操井臼、這雙鳳頭又不曾胡行亂走、待要
翦青絲、那結髮恩情何有、這些穢言語、教我實難消
受、休休、到不如做一個洗耳的巢由、再不聞這般樣
的醜醜、醜醜、

憶多嬌、魂暗浮、血賤流、白壁微瑕、委可羞、拚取紅顏

一旦休、覆水難收。試看孤能首丘。鬪蛤蜊、花月妖姿。
一朝忍、幻節行貞。堅芳名、不朽誰道。是女釵流、不二
其心、相期白頭。男兒事讐、中心寧不羞、刑耳全身、刑
耳全身。桓嫠是儔、憶多嬌、鼎可投、刃可劉、不得全軀
誓不休。效兩塚鴛鴦相對愁。覆水難收。試看孤能首
丘。鬪蛤蜊、莫怨爹行。將伊作讐、只恐梧桐、西風報秋。
顏寂寂、髣髴颼颼。蛛網羅衫、塵埋鳳頭。男兒事讐、中心
寧不羞、刑耳全身。刑耳全身。桓嫠是儔、憶多嬌、眉鎖
愁心、轉憂未卜。今生能會否、只恐怕鳳去臺空、江自
流。覆水難收。試看孤能首丘。鬪蛤蜊、趙璧完歸、連城

價酬合浦明珠江妃並遊金爵鉞合釵頭管取雙雙
吹簫鳳樓男兒事讐中心寧不差刑耳全身刑耳全
身桓嫠是儔

雙珠記

母子分珠

入賺帥令如風疾來到王家戶限中把聲兒悄窺觀
竊聽探形蹤恁羣雄緣何搶攘輕厮哄為爾伯身亡
取嫡宗軍情重勾追嚴急休驚恐禍從天送前腔想
來文名姓誤相全全仗恁鄉官秉至公當堂查覈昭
然支派豈朦朧可使彌縫願解簪脫珥充酬奉猛可

的令人怒髮衝、懇借通融、變生倉卒、無門控此心、堪
慟、棹角兒霎時間、述言未終、徵應速禍、不旋踵、鹿撞
心、薰然似焚、粟生肌、凜然如凍、攄微忱、籲蒼穹、并神
衆默相途中、合離懷種種、行踪洶洶、嘆骨肉拊膺頓
足、曷勝哀痛、前腔、覲他年、將能化龍、恨今日、驀成哀
鳳、守衡門、僅有母妹、望雲山、別無昆仲、此一行、受牢
籠、不輕縱、差操勞冗、合前餘文、淚如鏐、身如鞚、豈堪
彼此嘆飄蓬、未卜今生可再逢、

遇淫持正

步步嬌、偶因晚汲、携嬰綆、緩步循幽徑、花陰犬不鳴、

雲散天空，林深人靜，石甃一泓清，晃然玉檻玲瓏映。
前腔烟凝山紫時，將暝無柰情如飀，消遣強閑行，喜
煞嬌娃，潛身窺井，應是救災星。特來療我相思病，雙
鷗鷺言非禮，聞之怒驚，論人道嫌別微明。古云李下
冠難整，豈容伊無儀胡逞。空延頸，荷圖掩耳偷鈴，真
馬牛枉却襟裾之盛。前腔相思久矣，如酩酊，最難逢
須臾頃，願言俯就締鳳盟，指皎日昭昭為證。休喙哽，
當念氣求聲應，敬人者得人恒敬。前腔恨時乖遇了
猩猩，具人形不離獸性，休強橫忒恁的行姦言佞。吾
心正，豈解勉強逢迎，死生禍福皆前定。泣顏回叵耐

這卿卿恁粧喬，忒煞無情。一腔高興，都做了點水成冰。也空勞至誠，偷香竊玉，須由命，且圖他意轉心回。定能奏鳳瑟鸞笙。

賣兒繫珠

〔空春令〕吾夫是合絞囚，為姦豪攢成寇讐。青蠅未聚，毫端無計，祈天宥，拚捨這弱息螟蛉，要表我終身箕帚。若得携歸鞠育，感當不朽。〔前腔〕聽伊語，見慮周，使人聞心傷眉皺。暮齡無嗣，希求令子承吾後。想元是天上麒麟，今做了璞中瓊瑤。管取氣求聲應，箕裘胥茂。〔前腔〕兒靈慧，睜兩眸，似教娘斯須挽畱。明珠懸項，

窮源推本應根究，圖功業志氣從新。思骨肉宗支尋
舊，雖是丁寧無數兒，能知否？前腔娘珍重，莫過憂我
東人仁慈罕儔，既蒙付託，提携保護，當盈缶冀十年
異地成身，看一旦故園回首，方信萍歸大海，相逢非
偶。

夫妻永訣

尾犯序月犯少微，穴泰嶽其頽，梁木其壞，冠世英雄
恨，今為棄材，堪怪。素不忤三章令典，誰知做五刑魁
宰，莫不是玉樓作記，天上有人催。前腔玉樹夢中堙
十載夫妻，一旦分愛，流水浮雲，悠悠不回，恩債倘

或是三生未了，還擬得九泉可待。最苦著衰親幼子，
無計弔幽懷。前腔凝咽淚盈腮，執手相看魂蕩天外。
誰料花顏攢成禍階，聊賴恁可念親當衰老。恁可念
兒方傀儡，還須要存亡一視，加意厚栽培。前腔你兀
自計安危，忘却殘軀已是浮埃。欲與分明，恐伊行駭。
猜寧耐，奴只慮君身廢殞，君莫慮奴心忍改。須識破
死歸生寄，毋得恁徘徊。

續衣寄詩

集賢賓黃昏永巷烟浸柳，霏霏暝色盈眸。花底金猊
蘭篆紐，正遠樹棲鴉時候。明珠繫久，恁見得萱容依

舊合心似灸痛骨肉數遭陽九前腔初更鐘鼓起戍
樓流螢飛傷簾鉤雲漢昭回星與斗見耿耿明河將
溜孤燈自守豈敢望承恩先後合前前腔二更漏閣
驚換籌翠屏寒潤潛透漬鮫綃清泪難收此衷誰與
分割抱甄妃遺枕重憂羨韓女題紅機偶合前前腔
三更月午光四流空堦明瑩如畫乍驚枝鳩鵲南投
幾番栖止飛逗觀桐影森森轉移聽蛩韻啾啾悲扣
合前琥珀猫兒墜四更燭燼欲寐怎能穀不覺雞人
頻報丑續衣鍼線未停手合勞疴怎捱得顚顚精神
猶飲醇酒前腔五更將曙仙樂已調奏曉色微茫穿

戶牖縠衣縫紉正成就合前

赴婚遇兄

園林好止不住盈盈泪漣禁不過衷腸痛煎那裡有
恁般顏面與我妹並嬋娟苦雙眼注將穿前腔猛省
着鵲鴿在原瞥見了荆花舊妍難信道形容皆變語
音在似當先把骨肉意空懸忒忒令這宮娥愁容可
憐平白地淚拋如霰細覷他行藏動止如曾見莫不
是夢中相善枉教我詳顧盼費躊躇想不起是何年
前腔見他們眉攢翠尖聽他們悲聲吞嚥兩下裡似
嘗聚首生縈縈這幾微令人難闡祇落得心悵快泪

潺湲驚耳目，起猜嫌。（尾聲）同枝落落遭時蹇，詎料今朝趙壁完。信是骨肉悲歡意各專。

西市認母

（紅袖襖）莫不是有人遺在路歧，莫不是向經商相易取，莫不是素往來報此代瓊琚。想他狼狽難歸與，先繫燕足託渠傳寄。敢則是窮途橫禍，不幸身填溝壑也。畢竟委却明珠伴土蛆。（前腔）我和你赴荆湖曾與俱，荷姑嫜贈別後期歸。此為良人遭誣，當刑市發哀誠直陟太和隅。明夙志自行捐軀，因此上把兒先棄。繫明珠寓意如初，屈指十有餘年也。豈是數極機

通還洛渚前腔本是蘊經綸年少儒今日裡筆生香
冠禮闈似潛龍伏虎際却風雲會期丹闕率羣英御
道先馳珮叮咛腰掛金龜近天顏談道經幃論他籍
貫姓名與恁俱同也難道瓜葛無干問是誰前腔眼
望着咫尺間似天涯驟聞說事驚心泪滿衣恰便是
萍歸大海還相遇誰料得祖孫母子今日敘離居尚
未卜是否何如悲喜集中生猶豫親骨肉此地相逢
也疑在華胥夢覺餘

東甌令思量起泪雨揮魚沉鴈杳事已非筆端幸有
青蠅集恩澤霈丹書未知衽革戍何區兩地望雲迷

前腔延殘喘、調邊隅、劒老燕山、甚日輝升天、縮地、
渾無計、惟有泪支頤、天王不諒、慕親詞、解組赴征途、
前腔休流泪、勿顰眉、才得庭幃樂、只且關河迢遠、
齊秦楚、怎忍又分睽、從來天理與人符、終慰壽昌思、
前腔聆言語、貴思維、孝感曾無間、顯微事親、雖不
同江革、准舞老萊裾、辭榮信是盡天彝、慎戒逆鱗、
披尾聲一家天地春、和煦堪羨、鄉閭觀會美、要致稱
觴具慶時

錕鋹記

燈夜遊宮

晉天樂七香車、輕塵擁、五花驄、嬌娥控、天門外、天門

外士女喧叢、勅金吾免禁行踪、呀、聽笙歌沸湧、花燈
照九重、濟濟同扶翠輦、翠輦來到蟾宮、（北朝天子）想
當初冶容愧而今似蓬、嘆人生老去成何用、含羞抱
恥、戰兢兢舉鍾、向君王殷勤奉、殘花兒怎惹蜂、綉鍼
兒怎引絨、一五工六工、凡尺工、開元宵齊聲喧哄、笛
吹龍簫、鳴鳳笛、吹龍簫、鳴鳳、（普天樂）一天星、雲霞動
千門、月人民共、金橋外、金橋外、火樹茸茸、這昇平萬
國誰同、呀、聽笙歌沸湧、花燈照九重、濟濟同扶翠輦、
翠輦來到珠宮、（北朝天子）手纖纖嫩蕊、脚彎彎小弓、
舞翩翩翠袖、風前弄、幽情萬種、幸今宵掃空、怕明朝

春愁重、鴛鴦枕又空、淒淒恨怎窮、一五工六工凡尺、
工、開元宵、齊聲喧哄、笛吹龍簫、鳴鳳笛、吹龍簫、鳴鳳
簫、天樂、鳳凰樓、鰲山迴、麒麟殿、星橋聳、瑤階下、瑤階
下、香霧空濛、踏歌聲隱隱、玲瓏、呀、聽笙歌沸湧、花燈
照九重、濟濟同扶翠輦、翠輦來到瓊宮、北朝天子、白
階庭、鞠躬、近君王、進鍾喜、今宵雨露天恩重、談雲說
雨、二十年夢中、禱祇神、渾無用、春山褪、已空、秋波滴
已窮、一五工六工凡尺、工、開元宵、齊聲喧哄、笛吹龍
簫、鳴鳳笛、吹龍簫、鳴鳳簫、天樂、夜將分、人猶闌、興將
闌、情猶重、譙樓上、譙樓上、蓮漏叮冬、想佳人、悶寢方

濃呀聽笙歌沸湧、花燈照九重、濟濟同扶輦、翠輦
來到寒宮、北朝天子啓櫻桃、小紅擺楊枝、瘦躬一聲
聲、唱出花心動、戎奴驪女怕難充、上官望君王、垂怜
寵、論相思幾重、乍相逢、興轉濃、一五工六工、凡工
開元宵、齊聲喧哄、笛吹龍簫、鳴鳳笛吹龍簫、鳴鳳

申生受烹

高陽臺、慈母先亡、嚴君老矣、投情賴有戎姬、我若明
辨斯言、勢無兩生之理、休疑親恩、固極當報本、縱殺
身何足為懼、倘一朝加兵、問罪我、也有死而已、前腔
差遲、禍已臨頭、災來切已、難將信義堅持、若此糊塗

縱死有誰怜惜、須知君王未必愁、便死枉沉埋半生英
器、望東宮知機通變、早為之計、

〔山坡羊〕我也曾著斑衣承歡娛意、我也曾將雄兵攻
城掠地、我也曾問寒暄晨興夜眠、我也曾捧湯藥雙
膝兒在床前跪、又怎知齒牙為禍、基將我天親父子
一旦成拋棄、問得我地戶天門、欲投無計、傷離忍忘
却齊姜結髮、悲悽忍烹却申生無罪兒、

重耳奔翟

〔榴花泣〕東腸愁絕、垂淚濕緋袍、紅日短、白雲遙、池塘
春草夢魂勞、急難誰顧、番愧鵲鴒朝、嘆星星髮毛、再

朝天何日蒙宣召、願吾王訪逐求賢、致明王德並唐
堯、前腔絳都何處、天北紫雲高、心慘慘、路迢迢、新城
千里隔烟霄、音書遼絕、無計見同胞、何須鬱陶、且休
思聚散、傷懷抱、看一朝迭奏瓊筵、論人生、豈是蓬蒿、
入賺瓦解冰消、身似浮萍逐浪飄、來傳報、戾門今且
不須敲、你獨賢勞、今朝何事匆匆到、莫不是朝中起
禍苗、難相告、這錕鍔長劍、是何人寶、便知分曉、便知
分曉、前腔一見魂消、此劍緣何屬我曹、難猜料、莫不
是兄遭讒譖、被囚牢、免驚號、你將根因始末從頭道、
不用吞吐言詞、隱下梢、堪悲悼、驪戎妖婦能奸巧、

生難保、死生難保。皂角兒想當初聯韁出朝、數年間、
頓無音耗。還承望同開太平，到如今災來不小。痛青
春傷刀劍，這冤仇無窮盡。地闊天高，合尚方有刀，終
難恕饒。沒來由將仁慈君父，變成兇暴。前腔念東宮
征伐任勞，念東宮事全忠全孝。念東宮親賢遠奸，念
東宮恤貧怜老。恨只恨他性兒偏心兒躁，受無辜捐
軀命。何人旌表？台前尾聲。勞卿跋涉山川道，把哀情
特來傳報。從此畱心看六韜。